

Venres, 18 de setembro de 2020

Núm. 181

ADMINISTRACIÓN LOCAL

MUNICIPAL

MEAÑO

Subvencións e axudas

BASES REGULADORAS PROGRAMA DE SUBVENCIÓN S 2020

SUBVENCIÓN S BASES REGULADORAS DO PROGRAMA DE SUBVENCIÓN S DO CONCELLO DE MEAÑO, PARA O EXERCICIO 2020

A Xunta de Goberno Local, en sesión extraordinaria de data 14 de setembro de 2020, acordou aprobar as BASES REGULADORAS E CONVOCATORIA PARA A CONCESIÓN DE SUBVENCIÓN S EN CONCORRENCIA COMPETITIVA AO ABEIRO DO PROGRAMA DE SUBVENCIÓN S DO CONCELLO DE MEAÑO, PARA O EXERCICIO 2020, mediante o presente anuncio procedese a súa convocatoria; tendo en conta que o prazo de presentación de solicitudes será de quince días naturais, contados a partir do día seguinte ao da publicación do extracto da convocatoria no Boletín Oficial da Provincia de Pontevedra:

BASES REGULADORAS E CONVOCATORIA PARA A CONCESIÓN DE SUBVENCIÓN S EN CONCORRENCIA COMPETITIVA AO ABEIRO DO PROGRAMA DE SUBVENCIÓN S DO CONCELLO DE MEAÑO, PARA O EXERCICIO 2020

Segundo establece o artigo 232 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, na medida no que o permitan os recursos orzamentarios, o Concello poderá subvencionar economicamente ás asociacións para a defensa dos intereses xerais ou sectoriais dos veciños, tanto polo que se refire aos seus gastos xerais como ás actividades que realicen.

A este respecto, tendo en conta o sinalado neste artigo e ao abeiro da Lei 38/2003 do 17 de novembro, Xeral de Subvencións, da Lei 9/2007, do 13 de xuño de Subvencións de Galicia, regulamentos de desenvolvemento, Lei 39/2015, do 1 de outubro, do Procedemento Administrativo Común das Administracións Públicas, da Lei 7/1985, do 2 de abril Reguladora das Bases do Réxime Local, o Concello de Meaño procede a establecer un marco xurídico propio que contribúa ao fomento e á financiación da realización de actividades de utilidade pública, interese social ou que contribúan á promoción dunha finalidade pública que organicen as persoas xurídicas sen fin de lucro con sede no termo municipal ou que non tendo sede no termo municipal afecten dun modo directo a colectivos deste Concello.

PRIMEIRA.- OBXECTO

É obxecto das presentes bases regular a convocatoria pública por parte do Concello de Meaño para a tramitación e concesión de subvencións, mediante o procedemento ordinario en réxime de concorrencia competitiva, destinadas á apoiar ás asociacións, entidades, clubs deportivos na



Venres, 18 de setembro de 2020

Núm. 181

realización de actividades culturais, deportivas, educativas, sociais e de ocupación do tempo libre e ás asociacións veciñais e actividades sectoriais na realización de actividades e investimentos, tanto obras como adquisicións, considerados de interese público, que se impulsen no exercizo 2020.

SEGUNDA.- FINANCIAMENTO

A concesión destas axudas estará suxeita á dispoñibilidade orzamentaria para o período comprendido entre o 1 de xaneiro e o 31 de decembro de 2020 a nivel de vinculación xurídica, polo que o crédito previsto no nivel de vinculación xurídica poderá destinarse a calquera das áreas de gasto, convocándose, con cargo ao presuposto do Concello para o ano 2020, e segundo se regula nas Bases de execución, as subvencións que de seguido se detallan:

Liña 1.- gastos correntes	Apartado	Epígrafe	APLICACIÓN	CONTIA
Liña 1.- gastos correntes	a.- Acción social	-	231.480.00	2.000,00
Liña 1.- gastos correntes	b.- Actividades complementarias educación	-	326.480.02	3.000,00
Liña 1.- gastos correntes	c.- Cultura	-	334.480.00	14.000,00 €
Liña 1.- gastos correntes	d.- Ocio e tempo libre	-	337.480.00	7.000,00 €
Liña 1.- gastos correntes	e.- Deportes	1.- fútbol, balonmán e tenis de mesa. 2.- outros deportes	341.480.00	15.000,00 €: -epígrafe 1:12.000,00 € -epígrafe 2: 3.000,00 €
Liña 1.- gastos correntes	f.- Promoción do asociacionismo comercio minorista	-	431.480.00	1.500,00 €

Liña 2.- gastos de inversión:	Apartado	APLICACIÓN	ORZAMENTO
Liña 2.- gastos de inversión:	a.- Benestar comunitario	164.780.00	6.000,00 €
Liña 2.- gastos de inversión:	b.- Instalacións deportivas	342.780.00	3.000,00 €
Liña 2.- gastos de inversión:	c.- Recurso hidráulicos	452.780.00	2.000,00 €
Liña 2.- gastos de inversión:	d.- Camiños veciñais	454.780.00	4.000,00 €

1.- LIÑA 1: GASTOS CORRENTES

a) Acción social: Transferencias finalistas a entidades que colaboren na atención a persoas con minusvalías ou en situación ou risco de exclusión social.

Considerándose subvencionables os gastos correntes que respondan a natureza da actividade subvencionada.



b) Actividades complementarias da educación: Vai dirixido ao financiamento de gastos correntes derivados de actos e actividades complementarios da educación e, en xeral, os gastos que respondan de xeito indubidable a natureza da actividade subvencionada. Considerando subvencionables gastos derivados de ludotecas, actividades extraescolares, actividades de reforzo educativo ou similares.

c) Cultura: Vai dirixido a proxectos tendentes a:

- a) Fomento de actos folclóricos, festivais e semellantes e de calquera outra actividade relacionada coa formación e coa expresión artística ou semellantes.
- b) Actividades puntuais ou de carácter permanente no eido do cultura e formativo en tódalas vertentes: música, teatro, literatura, pintura, danza, encontros, obradoiros, cursos, audiovisuais, conferencias, xornadas ou semellantes.
- c) Actuacións dirixidas á realización das celebracións de festas etnográficas, tradicionais e de valor histórico, gastronómico e cultural: Entroido, maíos, S. Xoan, magosto, cabalgata de reis ou semellantes.
- d) Considerándose subvencionables os gastos correntes de seguros, transportes, entradas, premios, agasallos, aluguer de equipos, material, publicidade, monitores, poñentes e grupos ou artistas participantes, adquisición de vestiario adscrito a actividade, mantemento de instrumentos e en xeral os gastos que respondan de xeito indubidable a natureza da actividade subvencionada.

d) Ocio e tempo libre: vai dirixido a proxectos tendentes ao desenvolvemento de actividades de fomento da actividade física, deportiva, lúdicas e de lecer, incluídas excursión e viaxes que desenvolvan as asociacións de carácter lúdico, organización de eventos; considerándose subvencionables gastos correntes de seguros, transportes, entradas, premios, agasallos, aluguer de equipos e material e publicidade, monitores, poñentes e grupos ou artistas participantes, e en xeral os gastos que respondan de xeito indubidable a natureza da actividade subvencionada.

e) Deporte: vai dirixido a proxectos tendentes ao fomento e a práctica deportiva e a participación en ligas e competicións oficiais; considerándose subvencionables os gastos correntes:

- Os gastos federativos: licenzas, mutualidades, inscricións, arbitraxes, canon.
- Material deportivo funxible e non inventariable
- Vestiario, que deberá contar co escudo do Concello.
- Asistencias a adestramentos e competicións: desprazamentos, aloxamento e manutención.
- Alugueiro de instalacións e equipos.
- Gastos correntes de instalacións propias: mantemento, electricidade.
- Seguros
- Organización de eventos deportivos non subvencionable por outra liñas.
- Gastos derivados da contratación de persoal



Venres, 18 de setembro de 2020

Núm. 181

- Outros gastos menores como publicidade, farmacia, lavandería, formación e asesoría.
- E en xeral os gastos que respondan de xeito indubidable a natureza da actividade subvencionada.

f) Promoción do asociacionismo do comercio minorista: vai dirixido ao financiamento gastos correntes de promoción de comercio minorista do Concello de Meaño, considerándose subvencionables:

- Asesoría
- Formación
- Material de funxible e non inventariable
- Alugueiro de instalacións e equipos.
- Eventos de promoción comercial
- Campañas publicitarias
- Seguros

Quedan excluídos da presente convocatoria e, polo tanto, non serán obxecto de subvención:

- As actividades subvencionadas, no mesmo exercicio, a través de subvencións nominativas previstas nas Bases de execución.

2.- LIÑA 2: GASTOS DE INVERSIÓN

a) Benestar comunitario: Comprende todos os gastos relativos a actuacións e servizos cuxa finalidade sexa a mellora da calidade de vida en xeral e na presente convocatoria dirixido, especialmente, ao financiamento de gastos de investimento nos cemiterios veciñais ou parroquiais.

b) Instalacións Deportivas: Comprende o financiamento de gastos de investimento destinadas á mellora de instalacións deportivas propias.

c) Recursos hidráulicos: dirixido ao financiamento de gastos de investimento destinadas a captación, acumulación e canalizacións de recursos hidráulicas para distribución a vivendas ou fincas rústicas cando beneficien a capacidade produtiva da zona.

d) Camiños veciñais: dirixido ao financiamento de gastos de investimento relacionados coa mellora de camiños veciñais de acceso en núcleos ou a fincas rústicas cando beneficien a capacidade produtiva da zona.

Poderán ser obxecto da subvención:

- Investimentos (obras e adquisicións de bens duradeiros) que estén relacionados coas competencias establecidas nos artigos 25 e 26 da Lei 7/85 de 2 de abril, de Réxime Local e cos fins propios das Asociacións. Os investimentos subvencionados manteranse como mínimo 5 anos.



Venres, 18 de setembro de 2020

Núm. 181

TERCEIRA.- BENEFICIARIOS E REQUISITOS

Poderán solicitar estas axudas as asociacións e entidades que reúnan os seguintes requisitos:

1. Carecer de fins de lucro.
2. Ter o seu domicilio social no termo municipal de Meaño e figurar inscritas como tal no Rexistro Municipal de Asociacións, ou non tendo o domicilio no termo municipal afecten dun modo directo a colectivos ou intereses deste Concello.
3. Desenvolver as súas actuacións no ámbito territorial do municipio ou que afecten a colectivos deste Concello ou versen sobre temas de interese do Concello.
4. Non incorrer en ningún dos supostos de incapacidade ou incompatibilidade para a percepción de axudas ou subvencións públicas nin nalgunha das prohibicións para percibir subvencións recollidas na Lei.
5. Estar ó corrente coas obrigas tributarias da Axencia Estatal Tributaria, Facenda galega, coa Seguridade Social e co Concello de Meaño.
6. Contar con seguro de responsabilidade civil.

CUARTA.- SOLICITUDES E DOCUMENTACIÓN

As solicitudes formalizaranse nos modelos normalizados que estarán a súa disposición na páxina web do Concello de www.concellodemearno.com.

Xunto coa mesma, deberá achegarse a seguinte documentación:

A) Documentación xeral a presentar para todas as liñas de axuda:

- a) Memoria explicativa da actividade concreta que se pretende realizar, con especificación do lugar, data prevista de realización, obxectivos e número de beneficiarios, asinada polo Presidente/a (ANEXO I).
- b) Orzamento da actividade ou investimento concreto e determinado. (ANEXO I). No suposto de investimentos en obras achegarse orzamento das obras, sen prexuízo de que deba existir o correspondente proxecto cando normas específicas así o obriguen.

A entidade terá que solicitar, cando menos, tres ofertas de distintos provedores no caso de que o gasto sexa superior a 40.000,00 € para a realización do obras, ou superior a 15.000,00 € para equipamento ou actividades.

- c) Certificación do/a Secretario/a da Asociación co visto bo do Presidente/a da composición da Xunta Directiva e data da súa elección (Anexo III).
- d) Fotocopia do DNI do Presidente e fotocopia cotexada do C.I.F. da Asociación.
- e) Declaración responsable na que conste se a asociación ou entidade obtivo ou solicitou calquera outra axuda, subvención, ingresos ou recursos que financien a actividade e compromiso de comunicar ao Concello as que se obteñan nun futuro (Anexo II).



Venres, 18 de setembro de 2020

Núm. 181

- f) Declaración responsable de estar ao corrente das obrigas tributarias coa (Axencia Estatal Tributaria, Facenda galega, coa Seguridade Social e co Concello de Meaño. (Anexo II).
- g) Declaración responsable de non estar incurso en causas de prohibición para a percepción de axudas ou subvencións públicas e de aceptación das bases da convocatoria, asumindo o compromiso de dar cumprimento ás condicións da subvención. (Anexo II).
- h) Declaración responsable de que a asociación, entidade carece de fins de lucro. (Anexo II).
- i) Declaración responsable de que a asociación conta con seguro de responsabilidade civil. (Anexo II).
- j) Certificado expedido polo secretario/a da asociación co visto e prace do seu presidente relativo á achega da asociación atendendo ao orzamento da actividade e axuda solicitada.

B) documentación, que ademais da prevista no apartado A) anterior, deberá de presentarse para todas as liñas de axudas agás acción social, deportes e inversións:

- a) Certificado expedido polo secretario/a da asociación co visto e prace do seu presidente relativo ao número de socios á data de publicación da convocatoria da axuda no Boletín Oficial da Provincia de Pontevedra.
- b) Certificado expedido polo secretario/a da asociación co visto e prace do seu presidente relativo ao número de actividades programadas pola asociación para o ano en curso.
- c) Certificado expedido polo secretario/a da asociación co visto e prace do seu presidente relativo ao número de usuarios/ beneficiarios da actividade.

C) documentación, que ademais da prevista no apartado A) anterior , deberá de presentarse para a liña de acción social:

- a) Certificado expedido polo secretario/a da asociación co visto e prace do seu presidente relativo ao número de veciños do Concello de Meaño beneficiarios/ usuarios da actuación/ actividade/curso para o que se solicita a axuda.
- b) Certificado expedido polo secretario/a da asociación co visto e prace do seu presidente relativo ao ámbito de actuación da asociación: local/comarcal, provincial/autonómico, estatal.

D) documentación, que ademais da prevista no apartado A) anterior , deberá de presentarse para a liña de deportes:

- a) Certificado expedido pola correspondente federación acreditativo do nivel de competición.
- b) Certificado expedido pola correspondente federación acreditativo do número de licencias federativas de alta.
- c) Certificado expedido pola correspondente federación acreditativo das categorías en que compite o club.
- d) De ser o caso, certificado expedido polo secretario/a da asociación co visto e prace do seu presidente de que o club/asociación dispón de instalacións propias para a práctica do deporte para o que se solicita a axuda.

Poden verificar a integridade deste documento no seguinte enderezo:
<https://sede.depo.gal>
Código seguro de verificación:DHAXV9OCWIGCGIIO



Venres, 18 de setembro de 2020

Núm. 181

E) documentación, que ademais da prevista no apartado A) anterior , deberá de presentarse para a liña 2- inversións:

- a) Certificado expedido polo secretario/a da asociación co visto e prace do seu presidente relativo ao número de socios á data de publicación da convocatoria da axuda no Boletín Oficial da Provincia de Pontevedra.

As asociacións e entidades poderán solicitar subvención para un máximo de dous apartados de actividades correntes (liña 1) e unha de investimento (liña 2), debendo presentar unha solicitude completa, coa documentación que proceda en cada caso, por cada solicitude.

Se a solicitude remitida, acompañada da documentación, non reunise os requisitos da convocatoria ou calquera dos previstos no artigo 66 da Lei 39/2015, do 1 de outubro, do Procedemento Administrativo Común das Administracións Públicas, requirirase ao interesado para que, nun prazo de 10 días hábiles, emende as faltas ou presente os documentos preceptivos, indicando que, en caso de non facelo, terase por desistido, arquivándose sen máis trámites.

QUINTA.- PRAZO E LUGAR DE PRESENTACIÓN

1.- Prazo. Estas bases reguladoras publicaranse no Boletín Oficial da Provincia de Pontevedra (BOPP) e remitirase a convocatoria á Base Nacional de Subvencións (BDNS), que será quen lle dea traslado ao BOPP do extracto desta, sen prexuízo da súa inserción na páxina web e no taboleiro de anuncios do Concello.

O prazo para a presentación de solicitude será de QUINCE DIAS NATURAIS (15 días), contado a partir do día seguinte ao publicación do extracto da convocatoria no Boletín Oficial da Provincia de Pontevedra.

A presentación da solicitude implicará que se autoriza ao Concello para o tratamento automatizado de todos os documentos contidos nela.

As solicitudes presentadas fóra do prazo anteriormente establecido non serán admitidas nesta convocatoria.

2.- Presentación de solicitudes. As solicitudes presentaranse, xunto coa documentación que se sinala na Base cuarta, electronicamente na sede electrónica do Concello de Meaño, co enderezo [concellodemeano.sedelectrónica.gal](https://sede.depo.gal), a través dos modelos normalizados que estarán a súa disposición na páxina web do Concello de www.concellodemeano.com.

SEXTA.- COMPATIBILIDADE DAS SUBVENCIÓNS. CONTÍA MÁXIMA. PRELACIÓN NA CONCESIÓN NO SUPOSTO DE PRESENTARSE MÁIS DUNHA SOLICITUDE DE ACTIVIDADE

As subvencións a que se refire esta convocatoria son compatibles coa percepción doutras subvencións, axudas ou ingresos para a mesma finalidade, procedentes de calquera das administracións e entes públicos ou privados ou persoas físicas, pero en ningún caso o conxunto das axudas e achegas recibidas poderá superar o 100% do custo da actividade ou proxecto subvencionado.



Venres, 18 de setembro de 2020

Núm. 181

A contía da subvención por cada proxecto poderá acadar ata o 100% do custo da actividade ou da inversión para a que se conceden.

No caso de que por unha mesma entidade/ asociación solicitar para dúas actividades da Liña 1, valorarase en primeiro a solicitude da actividade que conte con maior orzamento e que cumpra cos requisitos esixidos nestas bases.

De quedar crédito dispoñible na liña, procederase a efectuar unha segunda ronda de valoración segundo os criterios de concesión previstos na seguinte base, atendendo ao límite de concesión de axudas a existencia de crédito dispoñible.

SÉTIMA.- CRITERIOS DE CONCESION

1º) A asignación de axudas ou subvencións, farase en función dos seguintes criterios xerais, agás para as liñas de acción social, de deportes e a liña 2 que terán criterios específicos:

Criterios xerais

Criterios de valoración	Puntuación máxima	Ponderación %
Antigüidade no rexistro de asociacións do Concello	<ul style="list-style-type: none"> • < 1 ano : 4 puntos • mais de 1 ano e < 2 anos: 8 puntos • mais de 2 anos e < 5 anos: 12 puntos • mais de 5 anos e < 10 anos: 16 puntos • mais de 10 anos: 18 puntos 	18 %
Nº socios	<ul style="list-style-type: none"> • Mais de 1 socio e < 10 socios: 4 puntos • Mais de 10 e < de 20 socios: 8 puntos • Mais de 20 e < 50 socios: 12 puntos. • Mais de 50 e < 100 socios: 16 puntos • Mais de 100 socios: 18 puntos 	18 %
Nº de actuacións / actividades/ Cursos programados para 2020	<ul style="list-style-type: none"> • 1: 4 puntos • 2 : 8 puntos • De 3 a 5: 12 puntos. • De 6 a 10: 16 puntos • 10 ou mais: 18 puntos 	18 %
Nº de beneficiarios/usuarios da actuación / actividade/ Curso para a que se solicita a axuda	<ul style="list-style-type: none"> • Mais de 1 usuario e < 10 usuarios: 4 puntos • Mais de 10 e < de 20 usuarios: 8 puntos • Mais de 20 e < 50 usuarios: 12 puntos. • Mais de 50 e < 100 usuarios: 16 puntos • Mais de 100 usuarios: 18 puntos 	18 %



Venres, 18 de setembro de 2020

Núm. 181

% da achega da asociación para a realización da actuación / actividade/ Curso para a que se solicita a axuda	<ul style="list-style-type: none"> • > 0,10% e < 10 % do gasto: 18 puntos. • > 10% e < 20 % do gasto: 16 puntos. • > 20% e < 40 % do gasto: 12 puntos. • > 40% e < 80 % do gasto: 8 puntos. • > 80% do gasto: 4 puntos. 	18 %
Outros valores especiais que a comisión avaliadora por maioría dos seus membros considere de importancia		10 %

Para acción social (liña 1.a)

Cráterios de valoración	Puntuación máxima	Ponderación %
Nº veciños do Concello de Meaño beneficiarios/ usuarios da actuación/ actividade/curso para o que se solicita a axuda.	>1 beneficiarios e <10 beneficiarios: 10 puntos >10 beneficiarios e <20 beneficiarios: 20 puntos. > 20 beneficiarios e < 50 beneficiarios: 40 puntos. > 50 beneficiarios e < 100 beneficiarios: 60 puntos. > 100 beneficiarios: 75 puntos	75 %
Ámbito de actuación	De 0 a 25 puntos	25%
Local/Comarcal	25	25%
Provincial/ autonómico	10	25%
Estatal	5	25%
Puntuación total máxima	100	100%

Deportes(liña 1.e)

Epígrafe 1.- Para clubes deportivos de fútbol, balonmán e tenis de mesa.- importe máximo 12.000 €.

Cráterios de valoración	Puntuación máxima	Ponderación %
Nivel de competición	0-30 (ate máx. 30 puntos)	30 %
Nacional	25	
Autonomica	15	
Provincial	10	
Comarcal	5	
Orzamento de gastos subvencionables	0-10	10 %
Mais 7.000,00	10	
Menos de 7.000,00	5	
Número de licencias federativas	0-10	10 %
De 1 a 15	5	
Mais de 15	10	

Pode verificar a integridade deste documento no seguinte enderezo:
<https://sede.depo.gal>
Código seguro de verificación:DHAXV90CWIGCGIIO



Venres, 18 de setembro de 2020

Núm. 181

% da achega da asociacion para a realización da actuacion/ actividade/curso para o que se solicita a subvención.	<ul style="list-style-type: none"> • >0,1% e <10 % do gasto: 10 puntos • >10 e <20% do gasto: 8 puntos. • > 20% e < 40% do gasto: 6 puntos. • > 40% e < 80% do gasto: 4 puntos. • > 80% do gasto: 2 puntos 	10 %
% da achega da asociacion para a realización da actuacion/ actividade/curso para o que se solicita a subvención.	<ul style="list-style-type: none"> • >0,1% e <10 % do gasto: 10 puntos • >10 e <20% do gasto: 8 puntos. • > 20% e < 40% do gasto: 6 puntos. • > 40% e < 80% do gasto: 4 puntos. • > 80% do gasto: 2 puntos 	10 %
Número de categorías deportivas da entidade solicitante en competición da entidade solicitante *	5 puntos por cada categoría (cun límite de 20 puntos)	20 %
Dispoñer de instalacións propias para a práctica do deporte para o que se solicita a axuda.	10	10 %
Outros valores especiais que a comisión avaliadora por maioría dos seus membros considere de importancia		10 %
Puntuacion total máxima	100	100 %

* Non se terán en conta as categorías que sexan obxecto de subvencións nominativas previstas nas Bases de execución.

Epígrafe 2.- Outros clubs/asociacións deportivos/as, importe máximo 3.000 €.

Criterios de valoración	Puntuación máxima	Ponderación %
Antigüedad no rexistro de asociacións do concello	<ul style="list-style-type: none"> • < 1 ano:5 puntos • > 1 ano e < 2 anos: 10 puntos. • > 2 anos e < 5 anos: 15 puntos. • > 5 anos e < 10 anos: 20 puntos. • > 10 anos: 25 puntos 	25 %
Nº socios	<ul style="list-style-type: none"> • >1 socio e <10 socios: 5 puntos • >10 socios e <20 socios: 10 puntos. • > 20 socios e < 50 socios: 15 puntos. • > 50 socios e < 100 socios: 17 puntos. • > 100 socios: 20 puntos. 	20 %
Nº beneficiarios/ usuarios da actuacion/ actividade/curso para o que se solicita a axuda.	<ul style="list-style-type: none"> • >1 beneficiarios e <10 beneficiarios: 5 puntos • >10 beneficiarios e <20 beneficiarios: 10 puntos. • > 20 beneficiarios e < 50 beneficiarios: 15 puntos. • > 50 beneficiarios e < 100 beneficiarios: 17 puntos. • > 100 beneficiarios: 20 puntos 	20 %

Poden verificar a integridade deste documento no seguinte enderezo:
<https://sede.depo.gal>
Código seguro de verificación:DHAXV9OCWIGCGIIO



Venres, 18 de setembro de 2020

Núm. 181

% da achega da asociación para a realización da actuación/ actividade/curso para o que se solicita a axuda.	<ul style="list-style-type: none"> >1% do gasto e <10 %gasto: 25 puntos >10 % do gasto e <20% do gasto: 20 puntos. > 20% do gasto e < 40% do gasto: 15 puntos. > 40% do gasto e < 80% do gasto: 10 puntos. > 80% do gasto: 5 puntos 	25 %
Outros valores especiais que a comisión avaliadora por maioría dos seus membros considere de importancia		10 %
Puntuación total máxima	100	100 %

-Liña 2 (gastos de inversión).

Craterios de valoración	Puntuación máxima	Ponderación %
Antigüidade no rexistro de asociacións do Concello	<ul style="list-style-type: none"> < 1 ano : 5 puntos mais de 1 ano e < 2 anos: 10 puntos mais de 2 anos e < 5 anos: 15 puntos mais de 5 anos e < 10 anos: 20 puntos mais de 10 anos: 25 puntos 	25 %
Nº socios	<ul style="list-style-type: none"> Mais de 1 socio e < 10 socios: 5 puntos Mais de 10 e < de 20 socios: 10 puntos Mais de 20 e < 50 socios: 15 puntos. Mais de 50 e < 100 socios: 20 puntos. Mais de 100 socios: 25 puntos 	25 %
% da achega da asociación para a realización da actuación / actividade/ Curso para a que se solicita a axuda	<ul style="list-style-type: none"> > 1% e < 10 % do gasto: 25 puntos. > 10% e < 20 % do gasto: 20 puntos. > 20% e < 40 % do gasto: 15 puntos. > 40% e < 80 % do gasto: 10 puntos. > 80% do gasto: 5 puntos. 	25 %
Importe da inversión a realizar	<ul style="list-style-type: none"> Entre 1,00 € e 1.000,00 €:5 puntos. Entre 1.000,01 € e 5.000,00 €: 10 puntos Entre 5.000,01 € e 10.000,00 €:15 puntos Entre 10.000,01 e 30.000,00 €: 20 puntos Mais de 30.000,00 €:25 puntos 	25%

2º.- O importe máximo que se poderá conceder a cada club/asociación/entidade por cada solicitude de axuda será o 100% do orzamento da actividade a subvencionar.

3º.- Sistema de reparto

Para o reparto das axudas atenderase á puntuación obtida por cada solicitude debidamente presentada para cada liña, apartado e epígrafe de axuda.

Pode verificar a integridade deste documento no seguinte enderezo:
<https://sede.depo.gal>
Código seguro de verificación:DHAXV90CWI6G110



Venres, 18 de setembro de 2020

Núm. 181

Unha vez determinada a puntuación obtida por cada solicitude de axuda, a contía total da liña, apartado e epígrafe de axuda prevista no orzamento será repartida proporcionalmente entre as solicitudes admitidas para cada liña, apartado e epígrafe ponderando a puntuación obtida por cada unha das mesmas mediante a seguinte fórmula:

$$\text{axuda} = \frac{\text{puntuac. da solicitude a valorar} \times (\text{contía máx. Liña, apartado e epígrafe de axuda})}{\text{suma dos puntos obtidos por todas as solicitudes admitidas para a liña, apartado e epígrafe de axuda.}} < \text{orzamento act.}$$

suma dos puntos obtidos por todas as solicitudes admitidas para a liña, apartado e epígrafe de axuda.

Con independencia do resultado da anterior fórmula, o importe máximo que se poderá conceder a cada club/asociación será o 100% do orzamento da actividade a subvencionar e cun límite máximo de axuda a conceder de 3.250,00 € por cada solicitante e solicitude de axuda da liña 1.

Con independencia do resultado da anterior fórmula, o importe máximo que se poderá conceder a cada club/asociación será o 100% do orzamento da actividade a subvencionar por cada solicitante e solicitude de axuda da liña 2.

OITAVA.- TRÁMITES ADMINISTRATIVOS POSTERIORES Á PRESENTACIÓN DE SOLICITUDE E EMENDA DESTAS. NOTIFICACIÓNS

Todos os trámites administrativos que as entidades interesadas deban realizar durante a tramitación deste procedemento serán realizados electronicamente, a través da sede electrónica do Concello de Meaño en **concellodemeano.sedelectrónica.gal**.

A instrución do procedemento de concesión de subvencións corresponderalle a un/unha empregado/a municipal, quen realizará de oficio cantas actuacións estime necesarias para a determinación, coñecemento e comprobación dos datos en virtude dos que se formule a proposta de concesión.

Se a solicitude non reúne os datos esixidos na convocatoria ou calquera dos previstos no artigo 66 da LPACAP requiriráselle á persoa interesada, de conformidade co establecido no artigo 68 desta, para que nun prazo de 10 días hábiles emende as faltas ou presente os documentos preceptivos, indicándolle que, en caso de non facelo, se terá por desistida a súa solicitude, que se arquivará sen máis trámite.

Comprobado que os solicitantes cumpren os requisitos esixidos nestas bases e que se achega a documentación requirida darase traslado dos expedientes de solicitude á Comisión de Valoración, como órgano instructor, que estará integrada polo Alcalde ou concelleiro/a en quen delegue, concelleira da área, informadora xuvenil, secretaria-interventora e unha funcionaria municipal, que actuará como secretaria.

Avaliadas as solicitudes, segundo os criterios regulados nas presentes bases os expedientes serán elevados a Comisión Especial de Contas, órgano avaliador, que formulará informe no que

Pode verificar a integridade deste documento no seguinte enderezo:

<https://sede.depo.gal>

Código seguro de verificación:DHAXV9OCWIGCGIIO



Venres, 18 de setembro de 2020

Núm. 181

se concrete o resultado da avaliación xunto coa proposta de acordo, que conterà todos/as os/as solicitantes que participan na convocatoria, de:

- Concesión de axuda: facendo constar a liña de axudas que se solicita, o orzamento, a axuda solicitada e o importe proposto de axuda a conceder.
- Denegación: facendo constar os motivos da mesma.

Corresponde á Xunta de Goberno Local resolver a concesión/ denegación das axudas.

Unha vez transcorridos seis meses a partir do día seguinte a aquel no que remate o prazo de presentación da solicitude sen notificarse a resolución, os interesados estarán lexitimados para entender como desestimada por silencio administrativo a solicitude de subvención.

A concesión destas subvencións é compatible con outras que se reciban para o mesmo fin, tendo en conta que o conxunto de todas elas en ningún caso poderá superar o 100% do orzamento que presente a asociación ou entidade.

As notificacións de resolucións practicaranse por medios electrónicos, nos termos previstos na normativa reguladora do procedemento administrativo común e a través da dirección electrónica habilitada.

As notificacións entenderanse practicadas no momento no que se produza o acceso ao seu contido, entendéndose rexeitada cando transcorresen dez días naturais dende a posta a disposición da notificación sen que se acceda ao seu contido.

O sistema remitiralle ás persoas interesadas avisos da posta a disposición das notificacións á conta de correo electrónico indicada na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

NOVENA.- MODIFICACIÓNS DE SUBVENCIONES

As subvencións concedidas entenderanse aceptadas se os beneficiarios non a rexeitan expresamente no prazo de dez días hábiles contados desde a súa notificación.

Unha vez recaída a resolución de concesión, poderase solicitar o cambio ou modificación do seu contido se concorren circunstancias excepcionais, axeitándose ó establecido nas distintas normas desta convocatoria.

As circunstancias excepcionais serán as seguintes:

- Non dispor de crédito suficiente, para levar a cabo o investimento.
- Ter recibido axudas ou subvencións doutros organismos públicos ou privados, que cubran o importe do investimento.
- Ter prioridade na realización doutra actividade ou investimento que teña que acometer a asociación, e non conte con crédito de financiamento para levalo a cabo.
- Algún impedimento administrativo ou doutro tipo que impida a súa realización.



Venres, 18 de setembro de 2020

Núm. 181

Só se permitirá un único cambio de aplicación ou modificación da subvención concedida, a solicitude deberá estar motivada e formularse con anterioridade ao momento en que remate o prazo de execución do proxecto ou actividade subvencionada.

DÉCIMA.- OBRIGAS DOS BENEFICIARIOS

Aparte das que figuran na cláusula terceira, os beneficiarios de subvencións concedidas con cargo ao Orzamento municipal teñen as seguintes obrigas:

- a) Xustificar o cumprimento dos requisitos e condicións, así como a realización da actividade ou investimento e o cumprimento da finalidade que determinen a concesión de subvención.
- b) Conservar os documentos xustificativos da aplicación dada aos fondos recibidos, en tanto poidan ser obxecto das actuacións de comprobación e control.
- c) Dar adecuada publicidade da axuda concedida para a actividade, actuación ou investimento obxecto de subvención (cartelería, publicidade, recortes de prensa, valados, pancartas, etc). **Os clubs deportivos, no suposto de destinar estas axudas a vestimenta, quedan obrigados a insertar nas mesmas o escudo do Concello.**

O escudo do Concello estará a disposición das asociacións.

- d) Os gastos que figuren na conta xustificativa serán aboados polos beneficiarios con anterioridade a presentación da xustificación da subvención.
- e) Os beneficiarios das subvencións deberán utilizar, con carácter xeral, formas de pago a terceiros que poidan acreditarse mediante documento expedido por unha entidade financeira no que quede identificado o beneficiario, o importe e a data de pago (Transferencias bancarias talóns nominativos, etc.) e só excepcionalmente poderán utilizar o pago metálico cando non sexa posible outra forma alternativa e o importe non supere os 200,00 €.
- f) A manter os investimentos subvencionadas por un período mínimo de cinco anos.

DÉCIMA PRIMEIRA.- XUSTIFICACION E ABOAMENTO DAS SUBVENCIONS

1.- As actividades correntes e investimentos subvencionados deberán realizarse durante o exercicio 2020.

As subvencións concedidas serán pagadas unha vez sexa xustificado o gasto realizado, obxecto da subvención, cos documentos xustificativos que se regulen nas bases da correspondente convocatoria.

2.- O prazo de presentación da xustificación rematará o 15 de decembro de 2020. A 31 de decembro de 2020 anularanse automaticamente tódalas subvencións pendentes de xustificar; sen prexuízo do sinalado na letra D da Base XII de Execución do Orzamento.

3.- Para pagar a subvención terase en conta o seguinte:



Venres, 18 de setembro de 2020

Núm. 181

- No caso de que se xustifique gasto polo 100% do orzamento subvencionado, aboarase a totalidade da subvención.
- No caso de que se xustifique gasto inferior ao 100%, aboarase a parte proporcional da subvención.

O pagamento efectuarase por transferencia á conta bancaria indicada polo perceptor.

4.- Para recibir as subvencións concedidas, de acordo con estas bases, cómpre presentar electronicamente na sede electrónica do Concello de Meaño, co enderezo sedelectronica.gal, a través dos modelos normalizados que estarán a súa disposición na páxina web do Concello de www.concellodemeano.com. os seguintes documentos, asinados ou conformados dixitalmente segundo se indica:

- a) Conta xustificativa dos gastos, asinada dixitalmente, na que se determinará o custo ou gasto total da finalidade subvencionada, detallando as facturas ou documentos con valor probatorio no ámbito mercantil e administrativo (identificando: o provedor, o CIF, o importe, nº de factura, data de emisión e data de pago. (Anexo IV).

Non se aboará máis que o importe xustificado co límite da subvención concedida.

- b) Facturas ou documentos análogos con valor probatorio no ámbito mercantil e administrativo, conformadas mediante sinatura dixital polo/a Presidente/a da asociación, con indicación do DNI. Admitíndose só aquelas relativas aos gastos realizados e subvencionables que respondan a natureza da actividade subvencionada. A xustificación con facturas será, como mínimo, polo importe da subvención concedida.

De tratarse de gastos de monitores presentaran facturas, nóminas ou liquidacións debidamente asinadas polos beneficiarios na que se reflectan os datos persoais, concepto e o importe da prestación, o importe de retención correspondente ao IRPF e o importe líquido a percibir polo/a interesado/a xunto co xustificante do ingreso efectuado a Axencia Tributaria do importe retido. Si o gasto se produce no último trimestre do ano, o xustificante do ingreso efectuado á Axencia Tributaria do importe retido poderá presentarse ata o día 12 de febreiro de 2021.

As facturas que teñan data posterior á da finalización do prazo de xustificación non serán admitidas.

- c) Memoria explicativa da actuación realizada, participantes ou beneficiarios e resultados obtidos, asinada dixitalmente polo/a Presidente/a da actividades desenvolta ou investimento executado.

No caso de que un mesmo gasto poida aplicarse a mais dunha axuda solicitada (tanto ao Concello de Meaño como a outras entidades) ou a mais dunha actividade, ou ben o mesmo non sexa aplicable ao 100% a actividade/ inversión/ gasto para o que se solicita a axuda, explicarse o método seguido para o cálculo do gasto imputado, por exemplo: no caso de atender a usuarios/ beneficiarios de varios concellos en atención a número de usuarios/ beneficiarios do Concello de Meaño; no caso de nóminas atendendo ao número de horas empregado polo traballador nas actividades subvencionadas; etc.



Venres, 18 de setembro de 2020

Núm. 181

- d) Declaración responsable, asinada dixitalmente, de non ter recibido outras subvencións de Administracións Públicas ou detalle do financiamento obtido para a finalidade subvencionada e declaración responsable de que os ingresos obtidos non superan o custo da mesma. (Anexo IV)
- e) Certificacións acreditativas de estar ó corrente das súas obrigas tributarias (do Estado e da Comunidade Autónoma), coa Seguridade Social e de non ter débedas, de ningún tipo, co Concello de Meaño.
- f) Acreditación da difusión dada a subvención concedida coa declaración da Asociación, entidade ou club de darlle difusión á actividade, actuación ou investimento subvencionado, facendo constar a colaboración do Concello de Meaño -(Vestiarío, notas de prensa, material de divulgación, papelería, lonas publicitarias, páxina web e redes sociais de asociación, etc.)- (Anexo IV).
- g) Certificación bancaria na que conste a conta bancaria da asociación.
- h) Acreditación de ter realizado o pago, nos termos sinalados na cláusula décima.e).
- i) Acreditación de contar co seguro de responsabilidade civil e ao corrente do seu pago.

En relación cos investimentos será necesario tamén o informe do/a técnico/a municipal, ó obxecto de comprobar a realidade do investimento.

O aboamento da subvención practicarase directamente á asociación na conta bancaria indicada por esta.

DÉCIMA SEGUNDA.- DEVOLUCIÓN E REINTEGRO

As axudas concedidas deberán devolvelas ou reintegralas nos seguintes casos:

- a) Por obtelas falseando as condicións requeridas.
- b) Por non aplicala aos fins para os que foi concedida.
- c) Incumprimento das obrigas de adoptar as medidas de difusión.
- d) Resistencia, escusa ou obstrución ou negativa ás actuacións de comprobación e control.
- e) Por incumprir o beneficiario as obrigas asumidas e as condicións fixadas nestas bases.

As responsabilidades anteriormente citadas esixiranse de acordo co procedemento previsto na lexislación vixente. Así mesmo, o reintegro das cantidades efectuarase de acordo co procedemento previsto no Regulamento Xeral de Recadación.

DÉCIMO TERCEIRA.- APROBACIÓN DAS BASES

De acordo co establecido na Base XII de execución do orzamento para o 2020, e dando cumprimento ó establecido no artigo 18 da Lei Xeral de Subvencións e demais lexislación aplicable, o órgano competente para a aprobación destas bases é a Xunta de Goberno Local.



Venres, 18 de setembro de 2020

Núm. 181

DECIMO CUARTA.- DEREITO SUPLETORIO

Para o non establecido nas presentes bases, contemplárase o previsto nas bases de execución do orzamento xeral do Concello de Meaño 2020, na Lei 38/2003, de 17 de novembro, xeral de subvencións, no Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións e demais lexislación aplicable.

DECIMO QUINTA.- RECLAMACIÓNS

Contra o acordo da aprobación destas bases que pon fin á vía administrativa poderase interpoñer recurso potestativo de reposición, perante o mesmo órgano que o ditou, no prazo dun mes a partir do día seguinte ao da súa publicación (ao abeiro dos artigos 114, 123 e 124 da Lei 39/2015, do 1 de outubro, do Procedemento Administrativo Común das Administracións Públicas), ou ben, directamente recurso contencioso -administrativo perante o Xulgado do Contencioso- Administrativo de Pontevedra segundo o disposto nos artigos 8 da Lei 29/1988, de 13 de xullo Reguladora da Xurisdición Contencioso -Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estimen conveniente.

ANEXOS.- Tódos os anexos referidos nestas bases para a solicitude e a xustificación destas subvencións serán a través da páxina web de concello de Meaño www.concellodemeano.com.”

En Meaño, o alcalde Carlos Vieitez Fernández

Documento asinado e datado dixitalmente ao marxe

